

Broj: 101- 4218/19 DŽS
Zenica, 13.03.2019. godine

Na osnovu člana 69. stav 2., tačka (d), člana 70. stav 1.,4., i 6. Zakona o javnim nabavkama („Službeni glasnik BiH“, broj 39/14), a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku ličnih i zaštitnih sredstava

I

Poništava se postupak javne nabavke roba za nabavku ličnih i zaštitnih sredstava, iz razloga što nijedna dostavljena ponuda nije prihvatljiva za Ugovorni organ-član 69., stav 2., tačka (d), Zakona o javnim nabavkama BiH.

II

Za izvršenje ove Odluke zadužuje se Komisija za nabavke, Služba za pravne i opšte poslove, te Komercijalna i Finansijska služba u preduzeću.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

IV

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke, shodno članu 70., stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-344/19 BS od 11.01.2019. godine.

Javna nabavka je provedena putem otvorenog postupka sa zaključivanjem okvirnog sporazuma sa jednim ponuđačem na period od 36 mjeseci.

Procijenjena vrijednost javne nabavke bez uračunatog PDV-a je 90.000,00 KM.

Zaprimljeno je ukupno pet (5) ponuda, od čega su tri (3) odbačene zbog formalno-pravnih nedostataka što je konstatovano i obrazloženo u Zapisniku o ocjeni ponuda broj: 716-3691/19 DŽS od 14.02.2019. godine.

Ponuđači KOTEKS d.o.o. Tešanj i RM Company d.o.o. Zenica su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 13.02.2019. godine, u terminu od 12:00 sati.

Dana 13.02.2019. godine je održana e-aukcija ponuda prihvatljivih ponuđača, nakon koje je, prema kriteriju „najniža cijena“ za najpovoljnijeg ponuđača izabran ponuđač KOTEKS d.o.o. Tešanj.

Slijedom toga, ugovorni organ je dana 14.02.2019. godine donio Odluku o izboru najpovoljnijeg ponuđača broj: 101-2693/19 DŽS, koja je dostavljena svim ponuđačima-učesnicima u postupku.

Ponuđač KOTEKS d.o.o. Tešanj je, u skladu sa tenderskom dokumentacijom, u ponudi koja je ocijenjena najpovoljnijom dostavio Izjavu da će, u roku od deset dana od dana dostavljanja odluke o izboru, a prije potpisivanja okvirnog sporazuma, dostaviti plombirane uzorke i odgovarajuće certifikate o ispitivanju materijala koji sadrže opise neophodne za identifikaciju ispitivanog uzorka zaštitne opreme koja je predmet nabavke, kao i kopije certifikata traženih standarda za svu zaštitnu opremu za koju ne treba dostaviti uzorke.

Izabrani najpovoljniji ponuđač KOTEKS d.o.o. Tešanj u predviđenom roku nije dostavio tražene kopije certifikata za svu zaštitnu opremu za koju ne treba dostaviti uzorke, kao ni plombirane uzorke, te se ponuda, u skladu sa tenderskom dokumentacijom, smatra nepotpunom i ne može biti uzeta u razmatranje.

Dana 27.02.2019. godine, pod brojem: 101-3589/19 DŽS ugovorni organ je donio Odluku o dodjeli okvirnog sporazuma drugorangiranom ponuđaču RM Company d.o.o. Zenica, a prema ponudi broj: 716-1977/19 od 04.02.2019. godine, za ponuđenu cijenu u iznosu od 85.034,00 KM, bez PDV-a, a nakon što odabrani prvorangirani ponuđač, u ostavljenom roku, nije dostavio plombirane uzorke i odgovarajuće certifikate o ispitivanju materijala, što je u tenderskoj dokumentaciji tačka 1.m) i tačka 12. predviđeno kao sastavni dio ponude.

Članom 3. navedene odluke je određeno da će se prijedlog okvirnog sporazuma dostaviti na potpis izabranom ponuđaču nakon isteka roka od 15 dana, računajući od dana dostavljanja svim ponuđačima, ukoliko izabrani ponuđač ispuní obaveze najpovoljnijeg ponuđača, odnosno uslove propisane tenderskom dokumentacijom.

Izabrani najpovoljniji ponuđač RM Company d.o.o. Zenica u predviđenom roku takođe nije dostavio tražene kopije certifikata za svu zaštitnu opremu za koju ne treba dostaviti uzorke, kao ni plombirane uzorke, te se ponuda, u skladu sa tenderskom dokumentacijom, smatra nepotpunom i ne može biti uzeta u razmatranje.

Iz predhodno navedenog razloga ponuda ponuđača RM Company d.o.o. Zenica, se odbija na osnovu člana 68. stav 4. tačke (i),(j) Zakona o javnim nabavkama BiH.

Slijedom navedenog, primjenom člana 69. stav 2. tačka d. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



Direktor:

Pašalić Emir
Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Služba zaštite od požara
- 3 x Članovima Komisije
- 1 x Sekretar Komisije
- 1 x a/a